

# Mesut Özil yashyize akadomo ku rugendo rwo gucongaga Ruhago

March 23, 2023

*Umudage ufite inkomoko mu gihugu cya Turukiya, Mesut Özil, wakiniye amakipe nka; Westfalia 04 Gelsenkirchen, Teutonia Schalke-Nord, Falke Gelsenkirchen, [Rot-Weiss Essen](#), [Schalke 04](#), [Werder Bremen](#), [Real Madrid](#), [Arsenal](#), [Fenerbahçe](#) na [İstanbul Başakşehir](#) yasezeye gukina umupira w'amaguru nk'uwabigize umwuga.*

Kuri uyu wa Gatatu, tariki 22 Werurwe 2023, ni bwo Mesut Özil w'imyaka 34 yatangaje ko yasezeye kuri ruhago binyuze mu butumwa burebure bugaragaza ibihe bitandukanye yayigiriyemo.

Özil yashimiye amakipe yose yakiniye kuva atangiye umupira w'amaguru nk'uwabigize umwuga.

Uyu mukinnyi wanyuze mu makipe akomeye ku Mugabane w'u Burayi, yavuze ko imvune nyinshi yari amaze iminsi agira ari zo zitumye ahagarika gukina ruhago.

*Yagize ati: Byari iby'agaciro gukina uyu mukino nk'umwuga imyaka 17 kandi ndashima ku bw'ayo mahirwe. Mu mezi ashize nagize imvune nyinshi byatumye ntekereza ko ari cyo gihe cyo guhagarika gukina ku rwego rwo hejuru.*

Yakomeje ashimira amakipe yose yanyuzemo n'ibihе bidasanzwe bagiranye.

*Ati: Rwari urugendo rutangaje rwuzuyemo ibihe byinshi bitandukanye. Ndashimira amakipe yanjye, Schalke 04, Werder Bremen, Real Madrid, Arsenal FC, Fenerbahçe SK na İstanbul Başakşehir F.K.*

Uyu mukinnyi ufatwa nk'umwami wo gutanga imipira ivamo

ibitego, yatangiye kumenyekana cyane mu Gikombe cy'Isi cyabereye Afurika y'Epfo mu 2010, cyatumye anagurwa na Real Madrid.

Özil yakiniye Ikipe y'Igihugu y'u Budage imikino 92 atsindamo ibitego 23, anatarana na yo Igikombe cy'Isi cyabereye muri Brazil mu 2014.

Muri rusange mu mikino 485 yakinye yatsinzemo ibitego 81 atanga imipira 258 yabyaye ibindi.

Özil in 2019			
Personal information			
<b>Full name</b>	Mesut Özil <sup>[1]</sup>		
<b>Date of birth</b>	15 October 1988 (age 34) <sup>[2]</sup>		
<b>Place of birth</b>	<a href="#">Gelsenkirchen</a> , West Germany		
<b>Height</b>	1.80 m (5 ft 11 in) <sup>[3]</sup>		
<b>Position(s)</b>	<a href="#">Attacking midfielder</a>		
Youth career			
<b>1995–1998</b>	Westfalia 04 Gelsenkirchen		
<b>1998–1999</b>	Teutonia Schalke-Nord		
<b>1999–2000</b>	Falke Gelsenkirchen		
<b>2000–2005</b>	<a href="#">Rot-Weiss Essen</a>		
<b>2005–2006</b>	<a href="#">Schalke 04</a>		
Senior career*			
Years	Team	Apps	(Gls)
<b>2005</b>	<a href="#">Schalke 04 II</a>	1	(0)
<b>2006–2008</b>	<a href="#">Schalke 04</a>	30	(0)
<b>2008–2010</b>	<a href="#">Werder Bremen</a>	71	(13)
<b>2010–2013</b>	<a href="#">Real Madrid</a>	105	(19)
<b>2013–2021</b>	<a href="#">Arsenal</a>	184	(33)

2021–2022	<a href="#">Fenerbahçe</a>	32	(8)
2022–2023	<a href="#">İstanbul Başakşehir</a>	4	(0)
<b>Total</b>		<b>427</b>	<b>(73)</b>
<b>International career</b>			
2006–2007	<a href="#">Germany U19</a>	11	(4)
2007–2009	<a href="#">Germany U21</a>	16	(5)
2009–2018	<a href="#">Germany</a>	92	(23)

Hanze y'ikibuga uyu mugabo yakunze kurangwa no kutaripfana ndetse no kuvugira abatishoboye.

